



# JP ELEKTROPRIVREDA BiH

d.d. - Sarajevo

Podružnica Hidroelektrane na Neretvi, Jablanica

Jablanica, 08.01.2021. god.

Broj: 02-2-83- 113 121

Na osnovu člana 25, člana 69. stav (2) tačka d), člana 70. stav (4) i člana 71. Zakona o javnim nabavkama Bosne i Hercegovine ("Službeni glasnik BiH" broj: 39/14), člana 99. Statuta Javnog preduzeća Elektroprivreda Bosne i Hercegovine d.d. - Sarajevo, broj: SD-5211/16-38/2 od 29.03.2016. godine, Statuta o izmjeni i dopuni Statuta JP Elektroprivreda BiH d.d.-Sarajevo, broj: SD-18295/18 od 19.07.2018. godine, člana 25., 73. i 74. Pravilnika o nabavkama Javnog preduzeća Elektroprivreda Bosne i Hercegovine d.d.-Sarajevo broj: NO-5155/15-52/5.1. od 26.02.2015. godine, Pravilnika o izmjeni i dopuni Pravilnika o nabavkama Javnog preduzeća Elektroprivreda Bosne i Hercegovine d.d.-Sarajevo broj: NO-16376/17-54/4 od 30.05.2017. godine, člana 4. stav (6) Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva – Prečišćen tekst broj: 06-14208/20 od 29.05.2020.godine, Direktor Podružnice «Hidroelektrane na Neretvi» Jablanica na preporuku Komisije za javne nabavke, donosi:

## ODLUKU o poništenju postupka javne nabavke

### Član 1.

Poništava se postupak javne nabavke materijala za sanaciju obloge radnog kola agregata za potrebe pogona HE Salakovac Podružnice «Hidroelektrane na Neretvi» Jablanica, iz razloga što nijedna od primljenih ponuda nije prihvatljiva - član 69. stav (2) tačka pod d) Zakona o javnim nabavkama Bosne i Hercegovine.

### Član 2.

Zadužuje se Služba za komercijalne poslove Podružnice «Hidroelektrane na Neretvi» Jablanica da u roku od tri dana, a najkasnije u roku od 7 [sedam] dana od dana donošenja ove Odluke istu dostavi učesniku i time ga ujedno obavijesti o rezultatima postupka nabavke.

### Član 3.

Ova Odluka objavit će se na web-stranici JP Elektroprivreda d.d. - Sarajevo ([www.elektroprivreda.ba](http://www.elektroprivreda.ba)), istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim

### Član 4.

Ova odluka stupa na snagu danom donošenja.

### Obrazloženje:

JP Elektroprivreda BiH d.d. Sarajevo, Podružnica »Hidroelektrane na Neretvi« Jablanica (u daljem tekstu Ugovorni organ), Odlukom broj 02-2-83-6184/20 od 02.12.2020. godine odobrila je provođenje postupka nabavke materijala za sanaciju obloge radnog kola agregata za potrebe pogona HE Salakovac Podružnice «Hidroelektrane na Neretvi» Jablanica putem Otvorenog postupka broj 10202-157/20. Istom Odlukom Ugovorni organ je imenovao i Komisiju za provođenje postupka javne nabavke (u daljem tekstu Komisija). Obavještenje o nabavci predmetne usluge broj 1409-1-1-158-3-106/20 je objavljeno na „Portal javnih nabavki“ dana 02.12.2020.godine i u „Službenom glasniku BiH“ broj 80/20 od 11.12.2020.godine. Procijenjena vrijednost predmetne nabavke iznosi 9.450,00 KM bez PDV-a. Izvještajem o preuzimanju tenderske dokumentacije od strane ponuđača konstatovano je da je 10 (deset) privrednih subjekata preuzelo tendersku dokumentaciju sa Portala javnih nabavki. Otvaranje ponuda je zakazano za 23.12.2020. godine u 13 sati, u prostorijama Ugovornog organa u Jablanici. Zapisnikom o otvaranju ponuda broj 10202-157/20 Komisija je konstatovala da je do isteka krajnjeg roka za dostavu ponuda, svoju ponudu dostavio slijedeći ponuđač, i to:

- KEMING d.o.o Banovići.....sa cijenom od 9.384,16 KM bez PDV-a

Zapisnik sa otvaranja ponuda broj 10202-157/20 od 23.12.2020. godine je dostavljen ponuđaču u skladu sa Zakonom o javnim nabavkama BiH („Službeni glasnik BiH“, broj 39/14). Nakon otvaranja ponuda, Komisija je u svom daljnjem radu, na zatvorenom sastanku pristupila detaljnoj analizi dostavljene ponude sa ciljem utvrđivanja prihvatljivosti prema obliku, sadržaju i potpunosti dokumentacije, zatim kvalifikacije ponuđača, te ocjeni tehničke prihvatljivosti ponude. Nakon detaljne analize i ocjene ponude, Komisija je utvrdila da ponuda ponuđača **KEMING d.o.o Banovići** ne ispunjava zahtjeve navedene u tenderskoj dokumentaciji u pogledu tehničke prihvatljivosti ponude, to jest ocjenjena je kao neprihvatljiva. U Tabeli 1 tehničkih zahtjeva/tehničke usaglašenosti ponuđač KEMING d.o.o Banovići je ponudio za Stavku 1. tehničke specifikacije robu neprihvatljivih tehničkih karakteristika što je razlog odbacivanja predmetne ponude. Naime, Ugovorni organ je u tenderskoj dokumentaciji broj 10202-157/20 između ostalog zahtjevao da ponuda sadrži Tabelu 1, tj. Tabelu tehničkih zahtjeva za pojedinačne stavke / tehnička usaglašenost (obrazac u skladu sa šemom koja je data u ANEKSU 8 ove tenderske dokumentacije) što je ponuđač KEMING d.o.o. Banovići i dostavio, ali ponuđena roba pod stavkom 1. u tehničkom pogledu ne zadovoljava zahtjeve iz tenderske dokumentacije. U Tabeli 1. navedeni eliminatorni zahtjev za stavku 1. „Dvokomponentno epoksidno ljepilo s ferosilikonskim punilom LOCTITE 3478 ili ekvivalent „ koji nije zadovoljen ponudom je:

- pokrivenosti 232 cm2 6mm debljine po 0,45 kg paste

Ponuđeno je dvokomponentno ljepilo WEICON C pokrivenosti 1,62 kg/m2 (1mm debljine) što ne zadovoljava potrebe ugovornog organa na način da je zahtijevao ljepilo u čvrstom stanju, te njemu ekvivalent nije ponuđeno ljepilo jer je ponuđeno ljepilo u tečnom stanju i nije adekvatno za primjenu sanacije šupljina u vertikalnim zidovima obloge radnog kola agregata, kao što je i iz tražene karakteristike pokrivenosti vidljivo da je tražena pasta (čvrsto stanje) dok je ponuđeno „Dvokomponentno ljepilo WEICON C“ tečno i zbog toga je i pokrivenost veća od tražene.

Cijeneći navedeno činjenično stanje, Komisija za javne nabavke je utvrdila da su ispunjeni uslovi iz člana 69. stav (2) tačka d) Zakona o javnim nabavkama BiH da se izvrši poništenje postupka javne nabavke zbog toga što nijedna od primljenih ponuda nije prihvatljiva, te je shodno tome predložila donošenje odluke o poništenju postupka javne nabavke.

Na osnovu ovog prijedloga Komisije, Ugovorni organ je donio odluku kao u dispozitivu.

#### Pravna pouka:

Svaki ponuđač koji smatra da je Ugovorni organ poništenjem postupka nabavke prekršio jednu ili više odredbi Zakona o javnoj nabavci i/ili podzakonskih akata ili Pravilnika ima pravo uložiti žalbu na postupak u pisanoj formi u roku od 10 (deset) dana od dana kada je njegov podnosilac primio Odluku o poništenju postupka javne nabavke. Žalba se podnosi Ugovornom organu JP „Elektroprivreda BiH“ d.d.- Sarajevo, Podružnica »Hidroelektrane na Neretvi« Jablanica u 3 (tri) originalna primjerka.



*Podružnica  
Werauq*

#### Dostaviti:

- Ponuđaču
- Službi za komercijalne poslove Podružnice "Hidroelektrane na Neretvi" Jablanica
- a/a